

Broj: 04-38-4-3996/18
Mostar, 2. 10. 2018. godine

Na osnovu člana 56. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj 35/05), člana 3. Budžeta Federacije Bosne i Hercegovine za 2018. godinu („Službene novine Federacije BiH“, broj 5/18) i Odluke o usvajanju programa utroška sredstava s kriterijima raspodjele sredstava tekućih transfera utvrđenih Budžetom Federacije Bosne i Hercegovine za 2018. godinu Federalnog ministarstva obrazovanja i nauke („Službene novine Federacije BiH“, broj 23/18), federalna ministrica obrazovanja i nauke d o n o s i

O D L U K U

o provođenju postupka kandidiranja za dodjelu podrške najboljim studentima, državljanima Bosne i Hercegovine s prebivalištem na području Federacije BiH koji studiraju na javnim visokoškolskim ustanovama u Federaciji Bosne i Hercegovine

I

Ovom odlukom se otvara postupak kandidiranja za dodjelu podrške najboljim studentima, državljanima Bosne i Hercegovine s prebivalištem na području Federacije BiH koji studiraju na javnim visokoškolskim ustanovama u Federaciji BiH.

II

Postupak kandidiranja provest će se na osnovu prijedloga dostavljenih od strane javnih univerziteta/sveučilišta sa područja Federacije Bosne i Hercegovine.

III

Podrška će se dodijeliti u vidu jednokratne pomoći - nagrade redovnim studentima državljanima Bosne i Hercegovine, s prebivalištem na području Federacije Bosne i Hercegovine, prema kriterijima utvrđenim Odlukom o usvajanju programa utroška sredstava s kriterijima raspodjele sredstava tekućih transfera utvrđenih Budžetom Federacije Bosne i Hercegovine za 2018. godinu, Federalnog ministarstva obrazovanja i nauke studentima koje će predložiti univerziteti/sveučilište s područja Federacije Bosne i Hercegovine.

IV

Sredstva iz tačke I ove odluke dodijelit će se iz sredstava utvrđenih u razdjelu 54. pozicija „Transfer za finansiranje studentskog standarda“ ekonomski kod 614100 Budžeta Federacije Bosne i Hercegovine za 2018. godinu, označenih u Odluci o usvajanju Programu utroška sredstava s kriterijima raspodjele sredstava tekućih transfera pod tačkom I stav 3 „Transfer za finansiranje studentskog standarda“, redni broj 2 „Prošireni studentski standard“, potprogram 2.2. „Podrška najboljim studentima državljanima Bosne i Hercegovine, koji studiraju na javnim visokoškolskim ustanovama u Federaciji BiH“.

V

Za provođenje Javnog poziva upućenog javnim visokoškolskim ustanovama iz tačke I ove odluke te izradu prijedloga za dodjelu sredstava, zadužuju se Sektor za visoko obrazovanje i posebno formirana komisija na temelju primljenih zahtjeva. Sačinjeni prijedlog Komisija će uputiti Stručnom kolegiju i ministrici na usvajanje.

VI

Broj odobrenih stipendija/nagrada talentiranim studentima će biti uvjetovan visinom raspoloživih sredstava i proporcionalan broju studenata koji studiraju na univerzitetu koji aplicira na poziv.

VII

Uz navedeno, u tekstu Obavještenja o provođenju postupka bit će definirani kriteriji za dodjelu stipendija i druga pitanja neophodna za provođenje istog.

VIII

Obavještenje o provođenju postupka kandidiranja bit će objavljeno na službenoj Internet stranici Ministarstva.

IX

Ova odluka stupa na snagu danom donošenja.


MINISTRICA

prof. dr. Elvira Dilberović

Broj: 04-38-4-3996/18
Mostar, 08. 10. 2018. godine

– **Univerzitet u Sarajevu**
Obala Kulina bana 7.
71000 Sarajevo

– **Univerzitet u Tuzli**
Ulica dr. Tihomila Markovića 1.
75000 Tuzla

– **Sveučilište u Mostaru**
Trg hrvatskih velikana 1.
88000 Mostar

– **Univerzitet u Zenici**
Fakultetska 3
72000 Zenica

– **Univerzitet Džemal Bijedić u Mostaru**
Univerzitetski Kampus
88104 Mostar

– **Univerzitet u Bihaću**
Ulica Kulina bana 2.
37000 Bihać

– **Franjevačka teologija Sarajevo**
Aleja Bosne srebrene 111
71000 Sarajevo



Predmet: Poziv za kandidiranje za dodjelu podrške najboljim studentima, državljanima Bosne i Hercegovine, koji studiraju na javnim visokoškolskim ustanovama u Federaciji Bosne i Hercegovine, dostavlja se

Poštovani,

Federalno ministarstvo obrazovanja i nauke dodijelit će jednokratnu podršku najboljim studentima, državljanima Bosne i Hercegovine, koji studiraju na javnim visokoškolskim ustanovama u Federaciji Bosne i Hercegovine, čiji je uspjeh ostvaren na kraju prvog ciklusa do kraja akademske 2017/2018.godine.

U skladu s Odlukom o provođenju postupka kandidiranja za dodjelu podrške najboljim studentima, državljanima Bosne i Hercegovine, koji studiraju na javnim visokoškolskim ustanovama u Federaciji Bosne i Hercegovine broj: 04-38-4-3996/18 od 08. 10. 2018. javni univerziteti/sveučilišta trebaju izvršiti izbor najboljih studenata te kandidirati po jednog najboljeg studenta za svoju organizacionu jedinicu, prema kriterijima koje je utvrdilo ovo ministarstvo.

- Podrška se odnosi na najbolje studente završne godine I. ciklusa studija;
- Nagrađuje se jedan najbolji student sa svake organizacione jedinice/fakulteta, akademije i pridruženih članica na svakom javnom univerzitetu u Federaciji BiH na osnovu dostavljenog prijedloga visokoškolskih ustanova;
- Nagrađuje se student koji ima najbolji prosjek ocjena na dosadašnjem studiju;
- U slučaju da dva ili više studenata imaju jednak prosjek ocjena, prednost ima student koji je tokom studija uspješno učestvovao u naučnom, stručnom i volonterskom radu.

Podrška se dodjeljuje najboljim studentima koje kandidira njihov fakultet posredstvom i na osnovu kandidatura dostavljenih od strane javnih univerziteta s područja Federacije Bosne i Hercegovine. Pod istim uvjetima mogu se kandidirati i studenti Franjevačke teologije u Sarajevu.

Jedan fakultet, akademija ili pridružena članica mogu kandidirati samo jednog studenta/studenticu s najboljim postignutim uspjehom na dosadašnjem studiju.

Broj odobrenih stipendija/nagrada talentiranim studentima je jednak broju organizacionih jedinica/fakulteta, akademija i pridruženih članica na svakom javnom univerzitetu/sveučilištu u Federaciji Bosne i Hercegovine.

Pozivamo vas da, u skladu s odredbama teksta Odluke, prema kriterijima navedenim u ovom pismu, dostavite popis s imenima najboljih studenata kako slijedi:

R.br.	Javne, privatne i vjerske visokoškolske ustanove	Broj organizacionih jedinica			UKUPNO:
		akademija	fakulteta	pridružen	
1.	Univerzitet u Sarajevu	2	21	3	26
2.	Univerzitet u Tuzli	1	12		13
3.	Sveučilište u Mostaru	1	10		11
4.	Univerzitet u Zenici		8		8
5.	Univerzitet „Džemal Bijedić“ Mostar		8		8
6.	Univerzitet u Bihaću		7		7
7.	Franjevačka teologija Sarajevo		1		1
Ukupno		4	67	3	74

U prilogu ovog pisma dostavljamo tekst *Odluke o provođenju postupka kandidiranja za dodjelu podrške najboljim studentima, državljanima Bosne i Hercegovine*, koji studiraju na javnim visokoškolskim ustanovama u Federaciji BiH. Odluka broj: 04-38-4-3996/18 od 2. 10. 2018. godine objavljena je i na Internet stranici Ministarstva www.fmon.gov.ba

Za finansijsku realizaciju, uz popis-listu najboljih studenata potrebno je dostaviti sljedeću dokumentaciju:

- Ovjerena kopija lične karte studenta;
- Ovjerena kopija CIPS-ove prijave prebivališta;
- Ovjeren prosjek ocjena tokom cijelog studija (akademski uspjeh);
- Potvrda banke o posjedovanju tekućeg računa studentice/studenta, s brojem transakcijskog računa banke (ne starija od tri mjeseca).

Očekujemo da ćete ovom ministarstvu dostaviti liste izabranih studenata s dokumentacijom potrebnom za realizaciju do 9. 11. 2018. godine.

S poštovanjem,

MINISTRICA

prof. dr. Elvira Dilberović

Prilog:

- kao u tekstu

Dostavljeno:

- Naslovu;
- Resornim kantonalnim ministarstvima